

sventûe” (frase estraeta da-a “lode a l’Italia” inte Georgiche de Virgilio, II-170, quande o poëta o fa l’elòggio da tæra italiann-a che “a l’â generou i Marsci..., e i Sabelli..., e i Liguri rexistenti a-e sventûe, e i Volsci..., e i Decii..., ...”). E infin ’na colònna ch’a l’arêze ’na coronn-a, a aregòrdo de arti.

-de derê, in sce trei livelli desalineæ, o mòtto “dictis facta respondent”, e a-i lati rispetivamente trei pentafeugge che no son stæti ripreixi in quello fæto dòppo. Ch’o segge da agiustâ, l’è dimostròu da-a fòto, ma – se troviemo chi o fâ, ghe vorîâ ’n sacco de palanche.

Ai doî lati, doppia fascia gianca e rossa: in unn-a gh’è o nomme “Zena” e “A Compagna” e inte l’âtra, gh’è “Fondâ (inta parte rossa) 1923 (inta parte gianca)”. E inta fascia destra gh’è atacâ ’na medaggia (datâ ‘5 novembre 1921’) serâ da ’n anello co-a dæta ‘7 giugno 1925’

Inti anni 1966-8 o prescidente, marcheize G.B. D’Oria, dòppo avei fæto ancon in enximo stramûo in via san Benedetto (non se sa se o scito o foïse o seu; oua l’è a sede dî Montagnin); e a Compagna a l’â dovûo renovâ o confaon. De fæti, dòppo tütte e aventue dovûe a l’uzo frequente, a-i stramûi, a l’evento belico, o l’ea tutto lizo, mâ reduto, irecuperâbile. Inte l’ateiza de fâne un neuvo con neuvi scimboli, l’è stæto ordinòu a’n recamatò de fa ’na còpia do vegio: n’è sciortio feua un, pægio a l’antigo, un pitin ciù picin, e con solo l’asensa di doî pentafeugge, fòscia perchê no ne saivan o scignificato. Se sa che, questo neuvo o l’è stæto acquisto pe mezo de ’n ‘particolare contributo’ da sòccia-consultrice scignòna Emma Poggi, in quell’anno za “conpianta”; ma n’emmo atrovòu nisciunn-a documentaçion in sce de lê e in sce chi o l’â realizòu. Into recto, quest’urtimo o gh’â un panno tutto rosso incarnatto, co-in griffò doù, inte ’n ovale, e o pòrta a scrîta ‘1923’.

Ma anche questo, o l’incomensa a segnâ o tempo con fisûe e pericoloxi sgoari.

Oua, o primmo confaon o troneggia in sede, inta stansia da segreteria, e o l’amîa da-o de d’ato – apeizo a-a miagia – o ciù zuveno de lê, o Gianni Mazzeello, che tutti i giorni sta a scrîve i papê pe-i sòcci.

Pe-a stoîa do confaon atoale, se peu consultâ o Boletin de A Compagna, n. 2 do 1976 quande un o l’è stæto preparòu da-a grande Elena Pongiglione, co-o san Zòrzo senza o serpente (o l’è in sede, ben fasciòu e custodîo). Ma, dòppo quello, no contenti, n’ân fæto fa ’n atro – l’attuale – pègio – ma con o serpente sott’a-i pè.

Ilustraçoin

A pag. 4: de d’âto, o primmo confaon do 1923, fronte e de sòtta, o retro.

A pag. 5: o segundo, scimile, do 1966-1968.

